



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

22.11.2023

704-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, Jinoiy odil sudlov fakulteti talabalarining Odob-axloq kodeksi va ichki tartib qoidalariga rioya qilish holati o'rganilganda 2-kurs talabasi Jonmamatov Alisher Saidali o'g'li belgilangan tashqi ko'rinish qoidalariga rioya qilmay soqoli o'sgan holatda kelganligi (06.11.2023); 4-kurs talabasi Odilov Shoxro'z Komiljon o'g'li kiyinish qoidalariga rioya qilmay holatda kelib, dekanat xodimlariga o'zini "man diplomatiya universiteti talabasiman" deb tanishtirgan (07.11.2023); 4-kurs talabasi Xudoyberdiyev Javohir Yo'lchi o'g'li va Zulfiqorov Shohimardon Dilshodovich universitet hududida tamaki mahsuloti iste'mol qilganligi (07.11.2023); 4-kurs talabasi Jurayev Salohiddin Dusiyor o'g'li universitet hududida tamaki mahsuloti iste'mol qilganligi (03.11.2023); 4-kurs talabasi Qurbonov Jahongir Akbarali o'g'li va 3-kurs talabasi Qodirxonov Shoxjahon Kamolxon o'g'li universitet 1-binosiga kirish uchun hojatxona derazasidan oshib tushganligi (09.11.2023); 2-kurs talabasi Dinuns Sergey Mgerovich belgilangan tashqi ko'rinish qoidalariga rioya qilmay soqoli o'sgan holatda kelganligi (17.11.2023); 2-kurs talabasi Shodiqulov Ibrohim Uktam o'g'li va Tursunaliyev Diyorbek Qodirjon o'g'li kiyinish qoidalariga rioya qilmay holatda kelganligi (21.11.2023) aniqlangan.

Bundan tashqari, 2023-yil 7-noyabr kuni 3-kurs talabasi Xushnazarov Og'abek Akram o'g'li o'zining shaxsiy telegram akkauntidan std.tsul.uz telegram guruhiga "Bollar karoachchi mustaqil ish qilish kerak prakrorlik faoliyatidan pulini beramiz qilish kerak ertaga sovati 10 gacha" deb yozib qoldirgan. Shuningdek, shu kuni 2-kurs talabasi Nafasov Islom Iliyos o'g'li ham o'zining shaxsiy telegram akkauntidan std.tsul.uz telegram guruhiga "Bollar mustaqil ish tayyorlash kerak Prokurorlik faoliyati fanidan" deb yozib qoldirib universitetda akademik halollikni buzilishiga qaratilgan xatti-harakatlarni sodir etishgan.

Shuningdek, 2023-yil 7-noyabr kuni Jinoyat-protsessual huquqi kafedra professori G.Tulaganova fakultet dekanatiga bildirgi bilan murojaat qilib, 3-kurs D variant talabalariga Jinoyat-protsessual huquqi modulidan ma'ruza mashg'uloti olib borayotgan vaqtida talaba Xakimov Sherbahrom Temur Malik o'g'li ruxsatsiz dars mashg'ulotidan chiqib ketmoqchi bo'lib, darsga xalaqit berib u bilan tortishganligi uchun tegishli intizomiy jazo chorasi qo'llashni so'ragan. Ushbu holat yuzasidan talaba Sh.Xakimovdan tushuntirish xati olinganida u haqiqatda o'qituvchining ruxsatisiz o'rnidan turib chiqib ketmoqchi bo'lganini bayon etgan. Bundan tashqari, o'sha kuni mazkur guruhda bo'lgan talabalar Z.Ro'ziyev, I.Boyirqulov, H.Abdulboqiyevlar ham o'z tushuntirish xatlarida talaba Sh.Xakimov auditoriyadan o'qituvchining ruxsatisiz chiqmoqchi bo'lganini, o'qituvchi ruxsat bermaganida Sh.Xakimov o'qituvchi bilan tortishganligini bayon etishgan.

Bundan tashqari, 2023-yil 13-noyabr kuni Jinoiy odil sudlov fakulteti 4-kurs Rus potok talabalariga Jinoyat-protsessual huquqi modulidan dars mashg'ulotlari kafedra professori D.Suyunova tomonidan olib borilgan. Ushbu darsda talaba Xusanov Otabek Iqboljon o'g'li o'qituvchining bir necha bor e'tiroz bildirishiga qaramasdan telefondan foydalanib dars mashg'ulotining olib borilishiga xalaqit qilgan.

Mazkur holat bo'yicha o'qituvchi D.Suyunova talaba O.Xusanovga nisbatan qonuniy chora ko'rishni so'rab fakultet dekanatiga bildirgi bilan murojaat qilgan.

Shuningdek, Jinoiy odil sudlov fakulteti 3-kurs talabasi Raimqulov Davronbek Qudrat o'g'liga tashqi ko'rinish qoidalariga rioya qilmay universitetga soqol o'stirib kelganligi sababli universitet rektorining 2023-yil 10-oktabrdagi

586-tm-son buyrug'i bilan hayfsan intizomiy jazo chorasi qo'llanilgan. Ammo u qo'llanilgan mazkur jazo chorasidan o'ziga tegishli xulosa chiqarmay, 2023-yil

16-noyabr kuni dars mashg'ulotlariga belgilangan kiyinish qoidalariga rioya qilmagan holatda kelib yurganligi aniqlangan.

Talaba Jonmamatov Alisher Saidali o'g'li o'zining xatti-harakatlari bilan universitet Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart), 12-moddasi 5-xatboshisi (talabalar soqoli olingan bo'lishi)da ko'rsatilgan qoidalarni, talaba Odilov Shoxro'z Komiljon o'g'li o'zining xatti-harakatlari bilan universitet Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart)da, 26-moddasi 2-qismi 17-xatboshisi (haqiqatni gapirishga, rahbarlar va boshqa xodimlarni chalg'itmaslikka majbur)da hamda 27-moddasi 1-qismi 5-xatboshisi (universitet xodimlari va o'qituvchilariga qo'pollik qilmaslikka, ular bilan tortishmaslikka majbur)da ko'rsatilgan qoidalarni, talabalar Xudoyberdiyev Javohir Yo'lchi o'g'li, Zulfiqorov Shohimardon Dilshodovich, Jurayev Salohiddin Dusiyor o'g'li o'zlarining xatti-harakatlari bilan universitet Odob-axloq kodeksi 17-moddasining 1-qismi 2-xatboshisi (tamaki mahsulotlarini iste'mol qilish va tarqatish), 8-xatboshisi (universitet binolari va hovlisida, shuningdek, universitet binolariga tutashgan hududda tamaki yoxud

boshqa turdagi mahsulotlarni chekish)da ko'rsatilgan qoidalarni, talabalar Qurbonov Jahongir Akbarali o'g'li va Qodirxonov Shoxjahon Kamolxon o'g'li o'zlarining xatti-harakatlari bilan universitet Odob-axloq kodeksi 26-moddasi 2-qismi 2-xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilishga majbur)da hamda 5-xatboshisi (Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga majbur)da ko'rsatilgan qoidalarni, talaba Dinuns Sergey Mgerovich o'zining xatti-harakatlari bilan universitet Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart), 12-moddasi 5-xatboshisi (talabalar soqoli olingan bo'lishi)da ko'rsatilgan qoidalarni, talabalar Shodiqulov Ibrohim Uktam o'g'li va Tursunaliyev Diyorbek Qodirjon o'g'li o'zlarining xatti-harakatlari bilan universitet Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart)da ko'rsatilgan qoidalarni, talabalar Xushnazarov Og'abek Akram o'g'li va Nafasov Islom Iliyos o'g'li o'zlarining xatti-harakatlari bilan universitet Akademik halollik va tadqiqot etikasi kodeksi talabalarining 18-bandi (soxtalashtirish (kelishuv) – bu boshqa shaxs tomonidan to'liq yoki qisman o'z shaxsiy ishi sifatida bajarilgan majburiy yozma ishlarni (oraliq yoki yakuniy nazorat, kurs ishi, bitiruv malakaviy ish, dissertatsiya, darslik, o'quv qo'llanma va boshqa ishlarni) yetkazish yoki o'z ishini boshqa odamga haq evaziga yoki bepul taqdim etish) hamda 16-bandi, 3-qismi (akademik halollik qoidalarini buzishda muayyan shaxsga yordam berish – boshqa talabaga boshqa darsda topshirilgan vazifani jo'natish, topshiriq qismlarini takrorlash va o'zinikidek topshirishga imkon berish)da ko'rsatilgan Akademik qoidabuzarliklarni, talaba Xakimov Sherbahrom Temur Malik o'g'li o'zining xatti-harakatlari bilan universitet Odob-axloq kodeksi 17-moddasining 1-qismi 10-xatboshisi (o'quv mashg'ulotlariga, xodim va talabalarining osoyishtaligiga xalaqit beradigan xatti-harakatlar sodir etish)da ko'rsatilgan qoidalarni, talaba Xusanov Otabek Iqboljon o'g'li o'zining xatti-harakatlari bilan universitet Odob-axloq kodeksi 17-moddasining 1-qismi 10-xatboshisi (o'quv mashg'ulotlariga, xodim va talabalarining osoyishtaligiga xalaqit beradigan xatti-harakatlar sodir etish), 21-moddasining 1-qismi (dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi) da ko'rsatilgan qoidalarni, talaba Raimqulov Davronbek Qudrat o'g'li esa o'zining xatti-harakatlari bilan universitet Odob-axloq kodeksi 12-moddasi 4-xatboshisi(universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart)da ko'rsatilgan qoidalarni buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekani D.Kamalovning bildirgisiga muvofiq,

## **BUYURAMAN:**

1. 2-kurs talabasi Jonmamatov Alisher Saidali o'g'li universitet Odob-axloq kodeksi 12-moddasi 4 va 5-xatboshisi talablarini buzganligi uchun, 4-kurs talabasi Odilov Shoxro'z Komiljon o'g'li universitet Odob-axloq kodeksi 12-moddasi 4-xatboshisi va 26-moddasi 2-qismi 17-xatboshisi hamda 27-moddasi 1-qismi 5-xatboshisi talablarini buzganligi uchun, 4-kurs talabasi talabalar Xudoyberdiyev Javohir Yo'lchi o'g'li, Zulfiqorov Shohimardon Dilshodovich, Jurayev Salohiddin Dusiyor o'g'li universitet Odob-axloq kodeksi 17-moddasining 1-qismi 2 va 8-xatboshisi talablarini buzganligi uchun, 4-kurs talabasi Qurbonov Jahongir Akbarali o'g'li va 3-kurs talabasi Qodirxonov Shoxjahon Kamolxon o'g'li universitet Odob-axloq kodeksi 26-moddasi 2-qismi 2 va 5-xatboshisi talablarini buzganligi uchun, 2-kurs talabasi Dinuns Sergey Mgerovich universitet Odob-axloq kodeksi 12-moddasi 4-xatboshisi, 12-moddasi 5-xatboshisi talablarini buzganligi uchun, 2-kurs talabasi Shodiqulov Ibrohim Uktam o'g'li va Tursunaliyev Diyorbek Qodirjon o'g'li universitet Odob-axloq kodeksi 12-moddasi 4-xatboshisi talablarini buzganligi uchun, 3-kurs talabasi Xushnazarov Og'abek Akram o'g'li va 2-kurs talabasi Nafasov Islom Iliyos o'g'li universitet Akademik halollik va tadqiqot etikasi kodeksi talablarining 18-bandi va 16-bandi, 3-qismi talablarini buzganligi uchun, 3-kurs talabasi Xakimov Sherbahrom Temur Malik o'g'li universitet Odob-axloq kodeksi 17-moddasining 1-qismi 10-xatboshisi talablarini buzganligi uchun, 4-kurs talabasi Xusanov Otabek Iqboljon o'g'li universitet Odob-axloq kodeksi 17-moddasining 1-qismi 10-xatboshisi va 21-moddasining 1-qismi talablarini buzganligi uchun, 3-kurs talabasi Raimqulov Davronbek Qudrat o'g'li esa universitet Odob-axloq kodeksi 12-moddasi 4-xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4. Mazkur buyruq ijrosining nazoratini o'z zimmamda qoldiraman.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV

